


Quédate con nosotros



MISA CON NENOS

23 de abril de 2023

PASCUA 3º-A

Lc. 24, 13-35: "Recoñecérono
ao partir o pan". "

Mensaxe: Os de Emaús, desde a fracción do
Pan e a Palabra que fai arder o corazón,

Dinnos: Cristo VIVE



Discípulos de Emaús || Domingo de Pascua

1. MONICIÓN DE ENTRADA

Irmáns e irmás: Cada domingo, igual que os primeiros cristiáns reunímonos como comunidade convocada por Cristo Resucitado, que celebra unida a súa presenza no medio de nós.

Hoxe, igual que os **discípulos de Emaús**, escoitaremos a palabra de Deus que nos iluminará os acontecementos da vida e alimentarámonos do seu Pan quente e partido no altar e servido para ser fortes na fe e testemuñas da esperanza. Cristo quedou connosco na Eucaristía para devolvernollos a ilusión, a fe, a alegría e a esperanza. Digámoslle hoxe ao Señor: *Queda connosco, Señor, arde o noso corazón ao escoitar a túa PALABRA e recoñecémoste ao partir o PAN.*

(Podemos destacar unha biblia ou leccionario , un anaco de pan e unha xerra de viño onde segue vivo hoxe Xesús).

-No nome do Pai... Cristo Resucitado, que nos alimenta co seu Pan e a súa Palabra, sexa convosco.

2. ASPERSIÓN OU SÚPLICAS DE PERDÓN

-Do mesmo xeito que no Domingo pasado, seguimos revivindo a luz, a vida, a alegría da Pascua de Resurrección. O Bautismo que todos recibimos imos simbolizar coa auga que, o sacerdote, deposita sobre as nosas cabezas. Renovemos o noso amor a Xesucristo. Dímoslle que El é o máis grande que temos. Cando o sacerdote pase á beira de nós, en sinal de respecto, inclinemos un pouco as nosas cabezas. *(O sacerdote asperxe con auga bendita aos presentes).*



-(Se non se fai a aspersión) Dispoñámonos ao encontro con Xesús nesta celebración da Eucaristía, como o fixeron os discípulos de Emaús. Pidamos perdón das nosas faltas, da nosa fe vacilante, E da nosa dureza de corazón para acoller e practicar a mensaxe evanxélica de Xesús:

*Ti que sentas connosco á mesa para partirnos o pan da eucaristía. Señor, ten piedade de nós.

*Ti, que nos regalas a túa Palabra que nos axuda a atopar luz nas nosas vidas. Cristo, ten piedade de nós.

*Ti que enches o noso corazón de esperanza e de ganas de seguirte. Señor ten piedade de nós.

3. MONICIÓN ÁS LECTURAS

Neste terceiro domingo de Pascua, as lecturas ensínanos o que é ser cristián: atoparse con Cristo resucitado. Tamén nós somos “discípulos de Emaús”, somos convidados a acoller ao resucitado como compañeiro de camiño, somos convidados a acollelo na Palabra e na fracción do pan. Así seremos capaces de anunciálo e de ser as súas testemuñas.

4. ORACIÓN DE LOS FIELES

A Xesús resucitado, que se fai presente cada domingo entre nós na Palabra e no Pan dicémoslle:

-Queda conosco Señor.

1. **Pola Igrexa.** Para que nos faga vivir con alegría desbordante este tempo da Pascua. **Oremos.**
2. **Polos que teñen dúbidas.** Polos que perderon ao Señor e viven tristes. **Oremos.**
3. Polos pobres. Polos que non teñen o imprescindible para vivir ou ser felices. **Oremos.**
4. **Polos que nenos de primeira comunión e os de confirmación.** Para que vivan este tempo ilusionados por coñecer máis e mellor a Xesucristo. **Oremos.**
5. **Para que non esquezamos nunca a misa dos domingos.** Sen ela debilitámonos e deixamos que morra a nosa fe. **Oremos.**
6. **Polos que preparamos o noso corazón ao mes de maio, da Virxe.** Para que lle recemos todos os días e lle mostremos o noso amor seguindo a Xesús. **Oremos.**



Pai, concédenos o agasallo de atoparnos con Cristo resucitado cada domingo. Por XCNS.

5. PROCESIÓN DE OFRENDAS

-SORRISO: Con este sorriso queremos simbolizar a alegría da Pascua cristiá. Que se note, nas nosas palabras e actitudes, que CRISTO é importante nas nosas vidas.

-LECCIONARIO E UN PAN: Ao ofrecerche o libro de lecturas da misa e un anaco de pan queremos dicirte hoxe que te sentimos presente cada domingo no medio de nós e que tamén a nós hoxe árdenos o corazón ao escoitar a túa PALABRA e recoñecémoste ao partir o PAN.

-PAN E O VIÑO: Co pan e o viño (as auténticas, únicas e verdadeiras ofrendas eucarísticas) levamos ata o altar o noso desexo de mellorar as nosas relacións con Deus. Que o saibamos recoñecer, valorar e coidar máis na eucaristía de cada domingo.

